


T5582/7320

二



御選歷代詩餘卷十五目錄

更漏子

溫庭筠

韋莊

牛勣

毛文錫


顧夔

孫光憲

毛熙震

馮延巳

晏殊



御選歷代詩餘卷十五目錄四十一

更漏子又一體

溫庭筠六首

韋莊

牛嶠二首

毛文錫

顧夔

孫光憲二首

毛熙震二首

馮延巳五首

晏殊二首



晏幾道 四首

張先 二首

蘇軾

李之儀

賀鑄 四首

杜安世

毛滂 三首

向子諲 三首

趙長卿

許棐

洪咨夔

高觀國

歐良 二首

石孝友

蘇氏

張淑芳

劉基

陳子龍

十二時

晁補之

謝懋

無名氏 二首

畫堂春

謝懋

海棠春

馬莊父

卜算子 又一體

杜安世

前調 又一體

杜安世

浣溪紗 又一體

顧夔

後庭花 又一體

孫光憲

前調 又一體

孫光憲

憶秦娥 又一體

李白

蘇軾

秦觀

晁補之

李之儀

周紫芝

周邦彥

万俟雅言

向子諲

蔡伸 二首

趙師俠

趙長卿

張元幹

曾覲 三首

楊无咎

范成大 五首

陳三聘 五首

張孝祥 四首

程垓 二首

楊萬里

劉克莊 二首

趙彥端

王千秋 二首

楊炎

黃機

韓淲

汪莘

沈端節

房舜卿

何夢桂

無名氏 二首

朱淑真

孫道綸

完顏璫

趙秉文

張翥 二首

趙雍

倪瓚 二首

楊基

王達

史鑑

陳子龍

陸卿子

葉小鸞

王微

前調 又一體

賀鑄 二首

朱雍

程垓

陸游

張輯



高觀國

孫道綯

顏奎

御選歷代詩餘卷十五目錄

御選歷代詩餘卷十五四十六字

司經局洗馬掌印事兼翰林院修撰加二級臣王清奉

旨校刊

更漏子

又一體雙調四十六字換頭起三字兩句或兩叶仄韻或起平句歷代不拘也

更漏子

温庭筠

柳絲長春雨細花外漏聲迢遞驚塞鴈起城烏畫屏金  
鷓鴣 香霧薄透簾幕惆悵謝家池閣紅燭背繡簾垂  
夢長君不知

前調

温庭筠

星斗稀鐘鼓歇簾外曉鶯殘月蘭露重柳風斜滿庭堆

落花 虛閣上倚闌望還似去年惆悵春欲暮思無窮  
舊歡如夢中

前調

溫庭筠

金雀釵紅粉面花裏暫時相見知我意感君憐此情須  
問天 香作穗蠟成淚還似兩人心意山枕膩錦衾寒  
覺來更漏殘

前調

溫庭筠

相見稀相憶久看淺淡煙如柳垂翠幕結同心待郎熏  
繡衾 城上月白如雪蟬鬢美人愁絕宮樹暗鵲橋橫  
玉籤初報明

前調

溫庭筠

背江樓臨海月城上角聲嗚咽堤柳動島煙昏兩行征  
鴈分 京口路歸帆渡正是芳菲欲度紅燭盡玉繩低  
一聲村落雞

前調

溫庭筠

玉爐香紅蠟淚偏照畫堂秋思看翠薄鬢雲殘夜長衾  
枕寒 梧桐樹三更雨不道離情正苦一葉葉一聲聲  
空階滴到明

前調

韋莊

鐘鼓寒樓閣暝月照古桐金井深院閉小庭空落花香  
露紅 煙柳重春霧薄燈背水牕高閣閒倚戶暗沾衣  
待郎郎不歸

前調

牛嶠

星漸稀漏頻轉何處輪臺聲怨香閣掩杏花紅月明楊柳風挑錦字記情事惟願兩心相似收淚語背燈眠玉釵橫枕邊

前調

牛嶠

南浦情紅粉淚爭奈兩人深意低翠黛卷征衣馬嘶霜葉飛招手別寸腸結還是去年時節書托鴈夢歸家覺來江月斜

前調

毛文錫

春夜闌春恨切花外子規啼月人不見夢難憑紅紗一點燈偏怨別是芳節庭下丁香千結宵霧散曉霞暉

梁間雙燕飛

前調

顧夙

舊歡娛新悵望擁鼻含顰樓上濃柳翠晚霞微江鷗接翼飛簾半捲屏斜掩遠岫參差迷眼歌滿耳酒盈尊前非不要論

前調

孫光憲

燭熒煌香旖旎閒放一堆鴛被慵就寢獨無憀相思魂欲銷不會得這心力判了依前還憶空自怨奈伊何別來情更多

前調

孫光憲

聽寒更聞遠鴈半夜蕭娘深院扃繡戶下珠簾滿庭噴

玉蟾 人語靜香閨冷紅幕半垂清影雲雨態蕙蘭心  
此情江海深

前調

毛熙震

秋色清河影淡深戶燭寒光暗綃幌碧錦衾紅博山香  
炷融 更漏咽蛩鳴切滿院霜華如雪新月上薄雲收  
映簾懸玉鈎

前調

毛熙震

煙月寒秋夜靜漏轉金壺初永羅幕下繡屏空燈花結  
碎紅 人悄悄愁無了思夢不成難曉長憶得與郎期  
竊香私語時

前調

馮延巳

金翦刀青絲髮香墨蠻牋親劄和粉淚一時封此情千  
萬重 蓬垂鬢塵侵鏡已分今生薄命將遠恨上高樓  
寒江天外流

前調

馮延巳

秋水平黃葉晚落日渡頭雲散捲珠箔挂金鈎暮潮人  
倚樓 歡娛地思前事歌罷不勝沉醉消息遠夢魂狂  
酒醒空斷腸

前調

馮延巳

鴈南飛人獨坐看却一秋空過瑤草短菊花殘蕭條漸  
向寒 簾幕裏青苔地誰信閒愁如醉星移後月圓時  
風搖夜合枝

前調

夜初長人近別夢覺一牕殘月鸚鵡睡蟋蟀鳴西風寒  
未成紅蠟燭彈碁局牀上畫屏山綠褰繡幌倚瑤琴  
前懽淚滴襟

馮延巳

前調

風帶寒枝正好蘭蕙無端先老情悄悄夢依依離人殊  
未歸 褰羅幕凭朱閣不獨堪悲搖落月東出鴈南飛  
誰家夜搗衣

馮延巳

前調

薜華濃山翠淺一寸秋波如翦紅日永綺筵開暗隨仙  
馭來 過雲聲迴雪袖占斷曉鶯春柳纔送目又顰眉

晏殊

此情誰得知

前調

雪藏梅煙著柳依約上春時候初送鴈欲聞鶯綠池波  
浪生 探花開留客醉憶得去年情味金盞酒玉爐香  
任他紅日長

晏殊

前調

檻花稀池草徧冷落吹笙庭院人去日燕西飛燕歸人  
未歸 數書期尋夢意彈指一年春事新悵望舊悲涼  
不堪紅日長

晏幾道

前調

柳絲長桃葉小深院斷無人到紅日淡綠煙晴流鶯三

晏幾道

兩聲 雪香濃檀暈少枕上臥枝花好春思重曉妝遲  
尋思殘夢時

前調

晏幾道

柳間眠花裏醉不惜繡裙鋪地釵燕重鬢蟬輕一雙梅  
子青 粉箋書羅袖淚還有可憐新意遮悶綠掩羞紅  
晚來團扇風

前調

晏幾道

露華高風信遠宿醉畫簾低捲梳洗倦冶遊慵綠牕春  
睡濃 綵條輕金縷重昨日小橋相送芳草恨落花愁  
去年同倚樓

前調

流杯堂  
席上作

張先

相君家賓宴集秋葉曉霜紅濕簾額動水紋浮綵花和  
水流 薄霞裳酣酒面重把琵琶輕按迴畫撥抹么絃  
一聲飛露蟬

前調

張先

仕陵春春樹晚傷別更堪臨遠南去信欲憑誰歸鴻多  
北歸 小桃枝紅蓓發今夜昔時風月休苦憶說相思  
此情人不知

前調

送孫  
巨源

蘇軾

水涵空山照市西漢二疏鄉里新白髮舊黃金故人恩  
義深 東海頭山盡處自古客槎來去槎有信赴秋期  
使君行即歸

前調

暑方煩人似愠悵望林泉幽峻情會處景偏長心清聞  
妙香 寶幢低金鑠碎竹影桐陰牕外新事舊舊愁新  
空嗟不見人

李之儀

前調

賀鑄

上東門門外柳贈別每煩纖手一葉落幾番秋江南獨  
倚樓 曲闌干凝佇久薄暮更堪搔首無際恨見間愁  
侵尋天盡頭

前調

賀鑄

繡羅垂花蠟換問夜何其將半侵烏履促杯盤留歡不  
作難 令隨鬪歌應彈舞按霓裳前段翻翠袖怯春寒

玉闌風牡丹

前調

賀鑄

付金釵平斗酒未許解攜纖手吟警句寫詩愁遊驂爲  
少留 舊遊賒新夢後月映隔牕疎柳閒硯席賸衾稠  
今秋似去秋

前調

賀鑄

酒三行琴再弄宛是和鳴雙鳳羅斗帳繡屏風濃香夜  
夜同 去年懽今夕夢惆悵曉鐘初動休道夢覺來空  
當時亦夢中

前調

杜安世

雪肌輕花臉薄愁困不忺梳掠看翠裊眼波長恨人言

語香 看難厭憐不足苦恨別離何速珠樹遠彩鸞孤  
今生重見無

前調 熏香曲

毛滂

玉後猊金葉暖馥馥香雲不斷長下著繡簾重怕隨花  
信風 傍薔薇搖露點衣潤得香長遠雙枕鳳一衾鸞  
柳煙花霧間

前調 初秋雨後

毛滂

綠牕寒清漏短帳底沉香火暝殘燭暗小屏彎雲峰遮  
夢還 那些愁推不去分付一簷寒雨簷外竹試秋聲  
空庭鶴喚人

前調 和孫公素汎舟觀競渡

毛滂

柳藏煙雲漏日寒滿雕盤玉食風捲旆水搖天魚龍挾  
彩船 水邊人波面樂太守與民同樂春好處總隨軒  
花中誰狀元

前調 雪中韓叔夏席上

向子諲

小牕前疎影下鸞鏡弄妝初罷梅似雪雪如人都無一  
點塵 暮江寒人響絕更著朦朧微月山似玉玉如君  
相思一笑溫

前調 題趙伯山清白軒

向子諲

竹孤青梅皦白更著使君清絕梅似竹竹如君須知德  
有鄰 月同高風同調月底風前一笑翻翠影度浮香  
與人風味長



前調

鵲橋邊牛渚上翠節紅旌相向承玉露御金風年年歲  
歲同 嬾飛梭停弄杼遙想綵雲深處人咫尺似關山  
無聊獨倚闌

向子諲

前調

趙長卿

日彤彤風蕩蕩簾外柳花飛颺紅有限綠無窮雨晴芳  
徑中 腸寸結縈離別還是去年時節春暮也子規啼  
傷春三月時

前調

許棐

淚淹紅腮褪粉等得玉銷花損羞阮鳳怯箏鸞指寒無  
好彈 一庭雪半牕月又是獨眠時節孤枕怨小屏愁

天涯夢裏遊

前調

夜聞桂香次韻

洪咨夔

眼生花燈綴粟人在黃金列屋金縷細道冠明膽瓶涼  
意生 緩歌絃停酒竿待得香風吹下斜月轉斷雲回  
風流不讓梅

前調

高觀國

玉簫閒清韻咽人倚畫闌愁絕雲惱月月羞雲半溪梅  
影昏 恨春風消散後夜夜數殘更漏情悄悄思依依  
天寒一鴈飛

前調

歐良

畫樓深春晝永簾幙東風微冷鶯囀罷燕歸來佳人午

夢回鬢釵橫眉黛淺一捻楚腰纖軟推繡戶倚雕闌  
無言看牡丹

前調

歐良

鬢慵梳眉慵畫獨自行來花下情脈脈淚垂垂此情知  
為誰雨初晴簾半捲兩兩銜泥新燕人比燕不成雙  
枉教人斷腸

前調

石孝友

鞦韆吟鞭敲醉帽行盡關山古道霜滿地水平田鴈兒聲  
在天北沙門南浦岸望得眼穿腸斷桐樹巷夢雲樓  
玉兒應也愁

前調

寄李玉妹

宋媛蘇氏

小闌干深院宇依舊當時別處朱戶鎖玉樓空一簾霜  
日紅弄珠江何處是望斷碧雲無際凝淚眼出重城  
隔溪羌笛聲

前調

宋媛張淑芳

墨痕香燈下淚點點愁人幽思桐花落蓼花殘鴈聲天  
氣寒雲棲月青溪塢忖到秋來更苦風淅淅水盈盈  
淙淙激不平

前調

咏鴈

劉基

塞門雲湘浦樹畢竟故鄉何處楓葉渚蓼花磯水深繒  
燉稀蓬萊闕扶桑島極目茫茫煙草蘆荻老稻梁空  
月明江上風

前調

陳子龍

愁看曉明妝夜多為海棠欲謝紗牕下繡牀間沈吟花  
信寒 殘紅瀉餘香惹撩亂日長時也門寂寂意茫茫  
憑他雙燕忙

十二時

一名桃花曲亦名憶  
少年雙調四十六字

十二時

晁補之

無窮官柳無情畫舸無根行客南山尚相送只高城人  
隔 罨畫園林溪紺碧算重來盡成陳迹劉郎鬢如此  
况桃花顏色

前調 寒食

謝懋

池塘綠徧王孫芳草依依斜日遊絲捲晴晝繫東風無  
力 蝶趁幽香蜂釀蜜鞦韆外臥紅堆碧心情費消遣  
更梨花寒食

前調

無名氏

疎疎整整斜斜澹澹盈盈脈脈徒憐暗香句笑梨花顏  
色 羈馬蕭蕭行又急空回首水寒沙白天涯倦牢落  
忽一聲長笛

前調

無名氏

淒涼天氣淒涼院落淒涼時候孤鴻叫斜月伴寒燈殘  
漏 落盡梧桐秋影瘦菱鑑古畫眉難就重陽又近也  
對黃花依舊

畫堂春

雙調四十六字

畫堂春

謝懋

西風庭院雨垂垂  
黃花秋閨遲已涼  
天氣未寒時纔褪  
單衣  
睡起枕痕猶在鬢  
鬆釵壓雲低玉  
匳重拂淡  
脂情入雙簪

海棠春

或添令字亦名海棠花雙調四十六字

海棠春

馬莊父

柳腰暗怯花風弱  
紅映秋千院落  
歸逐鴈兒飛斜  
撼珍珠箔  
滿林翠葉  
臙脂萼不忍頻頻  
覩著護取一庭春

莫彈花間雀

卜算子

又一體雙調四十六字

卜算子

杜安世

尊前一曲歌  
歌裏千金意  
纔欲歌時淚已流  
恨應更多於淚  
試問緣何事  
不語如癡醉  
我亦情多不忍聞  
怕和我成憔悴

前調

又一體

杜安世

深院花鋪地  
淡淡陰天氣  
水殿風微  
朱明景又別  
是愁情味  
有情奈無計  
謾惹成憔悴  
欲把羅巾暗傳寄  
細認處  
斑點淚

浣溪沙

又一體雙調四十六字

浣溪沙

顧夔

紅藕香殘翠渚平  
月籠虛閣夜蛩清  
天際鴻枕上夢兩牽情  
寶帳玉爐殘麝冷  
羅衣金縷暗塵生  
小牕涼孤燭背淚縱橫

後庭花

又一體雙調四十六字

後庭花

孫光憲

景陽鐘動宮鶯轉  
露涼金殿輕飈吹起瓊花綻  
玉葉如翦  
晚來高閣上珠簾  
捲見墜香千片  
修蛾慢臉陪雕

輦後庭新讌

又一體

孫光憲

石城依舊空江國  
故宮春色七尺青絲芳草碧  
絕世難得  
玉英雕落盡更何人識  
野棠如織只是教人添怨  
憶悵望無極

憶秦娥

又一體雙調四十六字一名秦樓月一名碧雲深一名雙荷葉雖列又一體然調名始自李白詞其三十七字與四十一字皆後人換格此為原調正格也

憶秦娥

李白

簫聲咽秦娥夢斷秦樓月  
秦樓月年年柳色霸陵傷別  
樂遊原上清秋節  
咸陽古道音塵絕  
音塵絕西風殘

照漢家陵闕

前調

蘇軾

雙溪月清光偏照雙荷葉雙荷葉紅心未偶綠衣偷結  
背風迎雨淚珠滑輕舟短棹先秋折先秋折煙鬟未  
上玉杯微缺

前調

秦觀

暮雲碧佳人不見愁如織愁如織兩行征雁數聲羌笛  
錦書難寄西飛翼無言只是空相憶空相憶紗牕月  
淡影雙人隻

前調

送別

晁補之

牽人意高堂照碧臨煙水清秋至東山時伴謝公攜妓

黃菊雖殘堪泛蟻乍寒猶有重陽味應相記坐中少  
箇孟嘉狂醉

前調

李之儀

清溪咽霜風洗出山頭月山頭月迎得雲歸還送雲別  
不知今是何時節凌歊望斷音塵絕音塵絕帆來帆  
去天邊雙闕

前調

周紫芝

東風歇香塵滿院花如雪花如雪看看又是黃昏時節  
無言獨自添香熱相思情緒無人說無人說照人只  
有西樓斜月

前調

周邦彥

香馥馥尊前有箇人如玉人如玉翠翹金鳳內家妝束  
嬌羞愛把睂兒蹙逢人只唱相思曲相思曲一聲聲  
是怨紅愁綠

前調

万俟雅言

天如洗金波冷浸冰壺裏冰壺裏一年得似此宵能幾  
等閒莫把闌干倚馬蹄去便三千里三千里幾重雲  
岫幾重煙水

前調

向子諲

蟲聲切柔腸欲斷傷離別傷離別幾行清淚界殘紅頰  
玉階白露侵羅襪下簾却望玲瓏月玲瓏月寒光零  
亂照人愁絕

前調

蔡伸

湖光碧春花秋月無今昔無今昔十年往事盡成陳迹  
玉簫聲斷雲屏隔山遙水遠長相憶長相憶一生懷  
抱爲君牽役

前調

蔡伸

花陰月蘭堂夜宴神仙客神仙客江梅標韻海棠顏色  
良辰佳會誠難得花前一醉君休惜君休惜楚臺雲  
雨今夕何夕

前調

趙師俠

傷離索不堪涼月穿珠箔穿珠箔料應別後粉消瓊索  
無聊倚徧西樓角枝頭幾誤驚飛鵲驚飛鵲先來憔悴

悴更逢搖落

前調

趙長卿

寒蕭索征鴻過盡離懷惡離懷惡江空天迴夜寒楓落  
有人應誤刀頭約情深翻恨郎情薄郎情薄夢回長  
是半牀閒却

前調

張元幹

桃花萼雨肥紅綻東風惡東風惡長亭無際短書難託  
征衫辜負深閨約禁煙時候春羅薄春羅薄多應消  
瘦可忺梳掠

前調

曾覲

晴空碧吳山染就丹青色丹青色西風搖落可堪悽惻

世情冷暖君應識鬢邊各自侵尋白侵尋白江南江  
北幾時歸得

前調

曾覲

風蕭瑟邯鄲古道傷行客傷行客繁華一瞬不堪思憶  
叢臺歌舞無消息金尊玉管空陳迹空陳迹連天衰  
草暮雲凝碧

前調

曾覲

暮雲感小亭帶雪斟醺醪斟醺醪一聲羌笛落梅簌簌  
舞衣旋趁霓裳曲倚闌相對人如玉人如玉錦屏羅  
幌漸成不足

前調

楊无咎



情難足不堪黃帽催行速催行速扁舟一葉別愁千斛  
津亭送客驚相囑舉杯欲唱看先蹙看先蹙背人掩  
面不能終曲

前調

范成大

樓陰缺闌干影外東廂月東廂月一天風露杏花如雪  
隔煙催漏金蚪咽羅幃暗淡燈花結燈花結片時春  
夢江南天闊

前調

范成大

湘江碧故人同作湘中客湘中客東風回鴈杏花寒食  
溫溫月到藍橋側醒心絃裏春無極春無極明朝殘  
夢馬嘶南陌

前調

范成大

紗牕薄日紅穿幔催梳掠催梳掠新晴天氣畫簷聞鵲  
海棠逗曉都開却小雲先在闌干角闌干角楊花滿  
地夜來風惡

前調

范成大

珠簾狹卷簾西院花園合花園合晝長人靜雙雙蝴蝶  
花前苦殢金蕉葉曾騰午睡扶頭怯扶頭怯閒愁無  
限遠山斜疊

前調

范成大

香羅薄帶圍寬盡無人覺無人覺東風日暮一簾花落  
西園空鎖秋千索簾垂簾捲閒池閣閒池閣黃昏香

火畫樓吹角

前調

陳三聘

雲衣薄春晴自有東風掠東風掠試聽枝上幾聲乾鵲  
曲屏心事新題却離愁何用堆着角堆着角今朝莫  
是打頭風惡

前調

陳三聘

花前狹翠茵圍坐花陰合花陰合閒情不似一雙狂蝶  
春溝何處尋紅葉春寒料想羅衣怯羅衣怯午醺醒  
未翠衾重疊

前調

陳三聘

光風薄楊花欲謝春應覺春應覺一庭紅杏粉花吹落

冶遊無復飛紅索凭高獨上湖邊閣湖邊閣黃昏獨  
倚畫闌西角

前調

陳三聘

青樓缺樓心人倚黃昏月黃昏月入簾無奈柳絲吹雪  
誰人弄笛聲嗚咽傷春未解丁香結丁香結鱗鴻何  
處路遙江闊

前調

陳三聘

春膏集新雷忽起龍蛇蟄龍蛇蟄柳塘風快水流聲急  
傷心有淚憑誰裛尊前容易青衫濕青衫濕渡頭人  
去野船鷗立

前調

張孝祥

雲垂幕陰風慘淡天花落天花落千林瓊玖滿空鸞鶴  
征車縹緲穿花薄路迷一路增離索增離索楚溪山  
水碧湘樓閣

前調

梅

張孝祥

梅花發寒梢挂著瑤臺月瑤臺月和羹心事履霜時節  
斷橋流水聲嗚咽行人立馬空愁絕空愁絕爲誰凝  
佇爲誰攀折

前調

元夕

張孝祥

元宵節鳳樓相對鰲山結鰲山結香塵隨步柳梢微月  
多情又見珠簾揭遊人不放笙歌歇笙歌歇曉煙輕  
散帝城宮闕

前調

張孝祥

天一角南枝向我情如昨情如昨水寒煙淡霧輕雲薄  
吹花嚼蕊愁無託年華冉冉驚離索驚離索倩春留  
住莫教搖落

前調

程垓

情脈脈半黃橙子和香擘和香擘分明記得袖香薰窈  
別來人遠關山隔見梅不忍和花摘和花摘有書無  
鴈寄誰歸得

前調

程垓

愁無語黃昏庭院黃梅雨黃梅雨新愁一寸舊愁千縷  
杜鵑叫斷空山苦相思欲訴人何許人何許一重雲

斷一重山阻

前調

楊萬里

新春早春前十日春歸了春歸了落梅如雪野桃紅小  
老夫不管春催老只圖爛醉花前倒花前倒兒扶歸  
去醒來牕曉

前調

劉克莊

遊人絕綠陰滿野芳菲歇芳菲歇養蠶天氣採茶時節  
枝頭杜宇啼成血陌頭楊柳吹成雪吹成雪淡煙微  
雨江南三月

前調

劉克莊

修禊節晉人風味終然別終然別當時賓主至今清絕

等閒寫就蘭亭帖豈知留與人間說人間說永和之  
歲暮春之月

前調

瑞香

趙彥端

香簌簌小山叢桂烘如玉烘如玉酒愁花暗柳腰如束  
煩君剩與陽春曲爲君細拂衾羅馥衾羅馥一春幽  
悶與君相續

前調

王千秋

雲破碧作霜天氣西風急西風急一行征鴈數聲橫笛  
挑燈試問今何夕柔腸底事愁如織愁如織紫苔庭  
院悄無人跡

前調

王千秋

雲葉舞寒林淺淡圍煙雨  
三三兩兩鴈投沙渚  
征帆暫落知何所  
短篷靜聽舟人語  
舟人語夜寒如  
許客能眠否

前調

楊炎

東風寂垂楊舞困春無力  
春無力落紅不管杏花狼藉  
斷腸芳草萋萋碧新來  
怪底相思極相思極冷煙也  
館又將寒食

前調

黃機

秋蕭索梧桐落盡西風惡  
西風惡數聲新鴈數聲殘角  
離愁不管人飄泊  
年年辜負黃花約  
黃花約幾重庭  
院幾重簾幕

前調

茉莉

韓澆

香滴滴肌膚冰雪嬌無力  
嬌無力秋風涼冷有誰消得  
洗妝不奈雲鬢側  
瑩堂珠院空相憶  
空相憶輕顰淺  
笑小梅標格

前調

汪莘

村南北夜來陡覺霜風急  
霜風急征途情緒塞垣消息  
佳人獨抱琵琶泣  
一江明月空相憶  
空相憶寒衣未  
絮荻花狼藉

前調

沈端節

憑闌獨南山影蘸杯心綠  
杯心綠悠然忽見臥披橫軸  
西風暗度釵梁玉  
手香記得人簪菊  
人簪菊無窮幽

韻細看不足

前調

房舜卿

與伊別相思一夜梅花發  
梅花發淒涼南浦斷橋斜月  
盈盈微步凌波靫東風笑倚天涯闊  
天涯闊一聲羌笛暮雲愁絕

前調

何夢桂

傷離別江南鴈斷音書絕  
音書絕兩行珠淚寸腸千結  
傷心長記中秋節今年還似前年月  
前年月那知今夜月圓人缺

前調

題蓬萊閣

無名氏

煙漠漠海天搖蕩蓬萊閣  
蓬萊閣朱甍碧瓦半侵寥廓

三生謾有長生藥茫茫雲海風濤惡  
風濤惡仙槎不見暮沙潮落

前調

無名氏

秋寂寂碧紗牕外人橫笛人橫笛  
天津橋上舊曾聽得宮妝玉指無人識  
龍吟水底聲初息月明江岸數峰凝碧

前調

宋媛朱淑真

彎彎曲新年新月鈎寒玉鈎寒玉  
鳳鞵兒小翠睂兒感鬪蛾雪柳添妝束  
燭龍火樹爭馳逐爭馳逐元宵三五不如初六

前調

李温歸樵陽書寄

宋媛孫道絢

秋寂寞秋風夜雨傷離索傷離索老懷無奈淚珠零落  
故人一去無期約尺書忽寄西飛鶴西飛鶴故人何  
處水村山郭

前調

完顏璫

寒仍暑春來秋去無今古無今古梁園風月汴堤煙雨  
水涵天影秋如許夕陽低處征帆舉征帆舉一行鷺  
鴈數聲柔櫓

前調

趙秉文

簫聲苦簫聲吹斷夸山雨夸山雨人空不見吹臺歌舞  
危樓目極傷平楚斷霞落日懷千古懷千古一杯還  
酹信陵墳土

前調

張翥

江南北金鞍一去空消息空消息雞聲月店鴈聲霜驛  
春醪誰道濃無滴十分滿引渾無力渾無力離愁似  
海怎生乾得

前調

張翥

金杯側東風易醉多情客多情客送君南浦送春南陌  
落花巧妒羅裙色舞紅變盡休輕拆休輕拆待他歸  
看舊時寬窄

前調

趙雍

春寂寂重門半掩梨花白梨花白芳心如醉暗思當日  
金釵欲墜烏雲側佳人望斷天涯客天涯客今年又

過清明寒食

前調

倪瓚

扶疎玉蟾宮樹影闌干曲闌干曲一襟香露幾枝金粟  
姮娥鏡掩秋雲綠無端風雨聲相續聲相續不須澄  
霽為沽醽醁

前調

倪瓚

參差玉笙聲暮起瑤臺曲瑤臺曲輕風香浸夜涼肌粟  
黃雲巧綴飛霞綠清吟未斷秋霖續秋霖續恐辜花  
意倒尊中醁

前調 楊花

楊基

東風惡一溪春水楊花落楊花落惹人衫袖綴人簾幙

纔飛却墮能纖弱倏來還去無拘著無拘著山遙水  
遠任伊飄泊

前調

王達

愁如縷誰家落日敲秋杵敲秋杵淡煙疎柳故人何許  
別來每恨關山阻征鴻影落芙蓉渚芙蓉渚短篷孤  
竹幾聲疎雨

前調 湖上  
次韻

史鑑

湖邊寺樓臺舊是春遊地春遊地千花張錦兩山橫翠  
西風闌檻秋無際青山不改朱顏異朱顏異斷橋殘  
柳伴人憔悴

前調 柳絮

陳子龍



春漠漠香雲吹斷紅文幕紅文幕一簾殘夢任他飄泊  
輕狂無奈東風惡蜂黃蝶粉同零落同零落滿池萍  
水夕陽樓閣

前調 感舊

明媛 陸卿子

砧聲咽梅花夢斷紗牕月紗牕月半枝疎影一簾淒切  
心前舊願難重說花飛春老流鶯絕流鶯絕今宵試  
問幾人離別

前調

明媛 葉小鸞

湘簾揭梧桐落向銀牀咽銀牀咽半庭斜日數堆黃葉  
繡屏一縷消春怯花闌又見飛蝴蝶飛蝴蝶怪他輕  
薄搗衣時節

前調

明妓 王微

多情月偷雲出照無情別無情別清輝只似暫圓常缺  
傷心好對西湖說湖光如夢湖流咽湖流咽離愁又  
似半明不滅

前調 又一體

賀 鑄

曉朦朧前溪百鳥啼匆匆啼匆匆凌波人去拜月樓空  
舊年今日東門東鮮妝輝映桃花紅桃花紅吹開吹  
落一任東風

前調 系

賀 鑄

著春衫玉鞭鞭馬南城南城南柔柔細草留住金銜  
粉娥采葉共親蠶蠶饑略許攜纖纖攜纖纖前裙淇

上更待初三

前調 梅

朱 雍

風蕭蕭驛亭春信期春潮期春潮黃昏浮動誰在江皋  
碧雲冉冉橫溪橋瓊車未至餘香飄餘香飄一簾疎  
影月在花梢

前調

程 垓

青門深海棠開後春陰陰春陰陰萬重雲水一寸歸心  
玉樓深鎖煙銷沉知他何日同登臨同登臨待收紅  
淚細說如今

前調

陸 游

土花驄晚街金轡聲璫璫聲璫璫聞鼓烏帽又過城東

富春巷陌花重重千金沽酒酬春風酬春風笙歌圍  
裏錦繡叢中

前調

張 輯

風淒淒井欄絡緯驚秋啼驚秋啼涼侵好夢月正樓西  
捲簾望月知心誰關河空隔長相思長相思碧雲暮  
合有美人兮

前調

高觀國

棲鳥驚隔牕月色寒於冰寒於冰淡移梅影冷印疎櫺  
幽香未覺魂先清無端勾起相思情相思情惱人無  
睡直到天明

前調

宋媛 孫道綸

花深深一鉤羅韞行花陰行花陰閒將柳帶試結同心  
日邊消息空沉沉畫眉樓上愁登臨愁登臨海棠開  
後望到如今

前調

顏奎

水雲幽怕黃霜竹生新愁生新愁如今何處倚月南樓  
龍吟杳杳天悠悠騰蛟起鳳鳴篴篴鳴篴篴聽吹短  
氣江上無秋

御選歷代詩餘卷十五

御選歷代詩餘卷十六目錄四十七字

阮郎歸

南唐李煜

馮延巳二首

司馬光

歐陽修二首

晏幾道五首

張先

蘇軾二首

黃庭堅四首

秦觀五首

各通古今言集  
卷六  
晁補之 三首

李之儀

毛滂

蘇庠

周紫芝 三首

謝逸 三首

周邦彥 二首

曹組

蔡伸

趙師俠 二首

趙長卿 三首

曾覲

侯寘 二首

趙彥端 二首

馬莊父

王炎

嚴仁

徐照

史達祖 二首

翁孟寅

洪璚

方千里 二首

黃昇

吳文英 五首

蔣捷

李演

張炎

翁元龍

趙君舉

王同祖

魏氏

詹正

王從叔

張埜

劉基 二首

吳子孝 二首

吳寬

張大烈 三首

湯顯祖

陳子龍

前調 又一體

端淑卿

畫堂春 又一體

秦觀 二首

趙師俠

趙長卿 二首

趙鼎

趙彥端

鄭域

吳子孝 二首

莫是龍

陸卿子

喜遷鶯 又一體

南唐李煜

和凝

晏幾道

夏竦

前調 又一體

薛昭蘊 三首

許棐

前調 又一體

韋莊 二首

周邦彥 二首

夏言

前調 又一體

晏殊 二首

前調 又一體

馮延巳 二首

晏殊 二首

前調 又一體

毛文錫

前調 又一體

劉基

吳子孝 三首

御選歷代詩餘卷十六目錄

御選歷代詩餘卷十六 四十七字

司經局洗馬掌局事兼翰林院修撰加二級臣王奕清奉

旨校刊

阮郎歸

用阮肇事名調一名醉桃源一名碧雲春一名鶴冲天雙調四十七字以南唐李煜作為定體後人平仄互異者皆非

阮郎歸

南唐李煜

東風吹水日銜山春來長是閒落花狼藉酒闌珊笙歌  
醉夢間春睡覺晚妝殘憑誰整翠鬟留連光景惜朱  
顏黃昏獨倚闌

前調

馮延巳

南園春半蹋青時風和聞馬嘶青梅如豆柳如絲日長

蝴蝶飛 花露重草煙低人家簾幙垂鞦韆慵困解羅衣畫梁雙燕歸

前調

馮延巳

角聲吹斷隴梅枝孤牕月影低塞鴻無限欲驚飛城烏休夜啼 尋斷夢掩香閨行人去路迷門前楊柳綠陰齊何時聞馬嘶

前調

司馬光

漁舟容易入深山仙家日日閒綺牕紗幌映朱顏相逢醉夢間 松露冷海霞殷匆匆整棹還落花寂寂水潺潺重尋此路難

前調

歐陽修

劉郎何日是來期無心雲勝伊行雲猶解傍山麻郎行去不歸 強勻面又芳菲春深輕薄衣桃花無語伴相思陰陰月上時

前調

歐陽修

落花浮水樹臨池年前心眼期見來無事去還思而今花又飛 淺螺黛淡臙脂閒妝取次宜隔簾風雨閉門時此情風月知

前調

晏幾道

粉痕閒印玉尖纖啼紅傍曉匳舊寒新暝尚相兼梅疎待雪添 春冉冉恨慙慙章臺對卷簾箇人鞭影弄涼蟾樓前側帽簷



前調

來時紅日弄牕紗春紅入睡霞去時庭樹欲棲鴉香屏掩月斜  
收翠羽整妝華青驪信又差玉笙猶戀碧桃  
花今宵未憶家

晏幾道

前調

舊香殘粉似當初人情恨不如一春猶有數行書秋來書更疎  
衾鳳冷枕鸞孤愁腸待酒舒夢魂縱有也成  
虛那堪和夢無

晏幾道

前調

天邊金掌露成霜雲隨鴈字長綠盃紅袖趁重陽人情似故鄉  
蘭佩紫菊簪黃殷勤理舊狂欲將沉醉換悲

晏幾道

涼清歌莫斷腸

前調

晚妝長趁景陽鐘雙蛾著意濃舞腰浮動綠雲穠櫻脣半點紅  
憐美景惜芳容沉思暗記中春寒簾幙幾重  
重楊花盡日風

晏幾道

前調

渭州作

雙歌連袂近香猊歌隨鏤板齊分明珠索漱煙溪凝雲定不飛  
脣破點齒編犀春鶯莫亂啼陽關更在碧峰  
西相看翠黛低

張先

前調

綠槐高柳咽新蟬薰風初入絃碧紗牕下水沉煙棋聲

蘇軾

驚晝眠 微雨過小荷翻榴花開欲然玉盃纖手弄清  
泉瓊珠碎又圓

前調

集句  
梅花

蘇軾

暗香浮動月黃昏堂前一樹春東風何事入西鄰兒家  
常閉門 雪肌冷玉容真香腮粉未勻折花欲寄隴頭  
人江東日暮雲

前調

茶二  
首

黃庭堅

歌停檀板舞停鸞高陽飲興闌獸煙噴盡玉壺乾香分  
小鳳團 雪浪淺露花圓捧甌春筍寒絳紗籠下躍金  
鞍歸時人倚欄

前調

黃庭堅

黔中桃李可尋芳摘茶人自忙月團犀胯鬪圓方研膏  
入焙香 青箬裹絳紗囊品高聞外江酒闌傳盃舞紅  
裳都濡春味長

前調

黃庭堅

退紅衫子亂蜂兒衣寬只爲伊爲伊去得忒多時教人  
直是疑 長睡晚理妝遲愁多懶畫眉夜來算得有歸  
期燈花則甚知

前調

黃庭堅

貧家春到也騷騷瓊漿注小槽老夫不出長蓬蒿鄰牆  
開碧桃 木芍藥品題高一枝煩剪刀傳盃猶似少年  
豪醉紅侵雪毛

前調

褪花新綠漸團枝撲人風絮飛秋千未拆水平堤落紅成地衣 遊蝶困乳鶯啼怨春春怎知日長早被酒禁持那堪更別離

秦觀

前調

宮腰裊裊翠鬟鬆夜堂深處逢無端銀燭隕秋風靈犀得暗通 更有限恨無窮星河沈曉空隴頭流水各西東佳期如夢中

秦觀

前調

瀟湘門外水平鋪月寒征棹孤紅妝飲罷少踟躕有人偷向隅 揮玉筯灑真珠梨花春雨餘人人盡道斷腸

秦觀

初那堪腸也無

前調

秦觀

碧天如水月如睂城頭銀漏遲綠波風動畫船移嬌羞初見時 銀燭暗翠簾垂芳心兩自知楚臺魂斷曉雲飛幽歡難再期

前調

秦觀

春風吹雨遶殘枝落花無可飛小池寒綠欲生漪雨晴還日西 簾半捲燕雙歸諱愁無奈睂翻身整頓著殘棋沈吟應劫遲

前調

晁補之

小樓獨上暮鐘時紅霞樓外飛煙中遠鳥一雙歸城門

燈火微 橫短吹傍危梯冰輪湧海遲天涯幽恨有誰  
知涼風時動衣

前調

泛濟州  
環溪

晁補之

西城北渚舊追隨荒臺今是非白蘋無際綠蒲迷停舟  
憶舊時 雙鴨戲亂鷗飛人家煙雨西不成攜手折芳  
菲蘭橈惆悵歸

前調

晁補之

一濠秋水淨漣漪紅妝照水嬉攀條尋藕怯船移浮萍  
濕繡衣 臨好景惜輕歸夕陽舟渚迷城門燈火簇輪  
蹄沙鷗飛去時

前調

李之儀

朱脣玉羽下蓬萊佳時近早梅惜花情味久安排枝頭  
開未開 魂欲斷恨難裁香心休見猜果如何遜是仙  
才何妨入夢來

前調

毛滂

雨餘煙草弄春柔芳郊翠欲流暝風時轉柳花毬晴光  
爛不收 紅盡處綠新稠穠華只暫留却因留下等閒  
愁令人雙鬢秋

前調

蘇庠

西園風暖落花時綠陰鶯亂啼倚闌無語惜芳菲絮飛  
蝴蝶飛 綠底事減腰圍遣愁愁著眉波連春渚暮天  
垂燕歸人未歸

前調

周紫芝

酴醿花謝日遲遲楊花無數飛章臺側畔儘風吹飄零  
無定期 煙漠漠草萋萋江南春盡時可憐蹤跡尚東  
西故園何日歸

前調

周紫芝

月榭疎影照嬋娟閒臨小玉盤棗花金釧出纖纖棋聲  
敲夜寒 飛電冷水精圓夜深人未眠笑催爐獸喚衾  
鴛莫教銀漏殘

前調

西湖摘  
楊梅

周紫芝

西湖山水潺潺滿山風雨寒枝頭紅日曉爛斑越梅  
催染丹 連翠葉擁金盤玉池生乳泉此生三度試甘

酸欲歸歸尚難

前調

謝逸

花枝破蕾柳梢青春寒拂面輕一省新月影三星銅荷  
燭燼零 低鳳扇裊霓旌珊珊環珮聲坐間誰識許飛  
瓊對郎仙骨清

前調

謝逸

風飄萬點落花飛殘紅枝上稀平蕪葉葉淡煙迷那堪  
春鳥啼 風細細日遲遲輕紗疊雪衣多情多病懶追  
隨玉人應恨伊

前調

雪

謝逸

晨光曉色埽簷晶寒多蝶夢驚亂飄鴛瓦細無聲悠揚

柳絮輕 書幌冷竹牕明柴門只獨扃一尊濁酒為誰  
傾梅花相對清

前調

周邦彥

冬衣初染遠山青雙絲雲鴈綾衣寒袖濕欲成冰都緣  
珠淚零 情黯黯悶騰騰身如秋後蠅若教隨馬逐郎  
行不辭多少程

前調

周邦彥

菖蒲葉老水平沙臨流蘇小家畫欄曲徑宛秋蛇金英  
垂露華 燒蜜炬引蓮娃酒香醺臉霞再來重約日西  
斜倚門聽暮鴉

前調

曹組

簷頭風珮響丁東簾疎燭影紅秋千人散月溶溶樓臺  
花氣中 春酒醒夜寒濃繡衾誰與同只愁夢短不相  
逢覺來羅帳空

前調

蔡伸

煙籠寒水暝禽栖滿庭紅葉飛蘭堂寂寂畫簾垂霜濃  
更漏遲 鴛被冷麝香微強敲單枕時西牕看盡月痕  
移此情君怎知

前調

桐江舟中

趙師俠

微雲掃盡碧虛寬月華光影寒山河表裏鑑中看沈沈  
清夜闌 風細細露溥溥神遊八極間九霄回首望塵  
寰悠悠醉夢還

前調

杜鵑花發映山紅韶光覺正濃水流紅紫各西東綠肥  
春已空 閒戲蝶嬾遊蜂破除花影重問春何事不從  
容憂愁風雨中

趙師俠

前調 咏春

和風暖日小層樓人間春事幽杏花深處一聲鳩花飛  
水自流 尋舊夢續揚州看山相對愁憶曾和淚送行  
舟清江古渡頭

趙長卿

前調 送別 詠鶯

東城沙軟馬蹄輕清和雨乍晴柳陰曲徑泣流鶯淒涼  
不忍聽 休苦怨莫悲鳴何須兩淚傾但將巧語寫心

趙長卿

誠東君肯薄情

前調 客中 見梅

年年為客徧天涯夢遲歸路無端星月浸牕紗一枝  
寒影斜 腸未斷鬢先華新來瘦轉加角聲吹徹小梅  
花夜長人憶家

趙長卿

前調 侍宴池上 賦飛燕

柳陰庭館占風光呢喃清晝長碧波新漲小池塘雙雙  
蹴水忙 萍散漫絮飄颺輕盈體態狂為憐流去落紅  
香銜將歸畫梁

曾覲

前調 和邢公站

莫欺騎省鬢邊華曾眠蘇小家綵絲縈腕翦輕霞菖蒲

侯寘

酒更嘉 人別後歎飛花雲山和夢遮吳牋小字寫流  
沙幾行秋鴈斜

前調

侯寘

薰風吹盡不多雲曉天如水清哦松庭院忽聞笙簾疎  
香篆明 蘭玉盛鳳和鳴家聲留漢庭狨鞍長傍九重  
城年年雙鬢青

前調

趙彥端

歲寒堂下兩株梅商量先後開春前日遶一千回花來  
春又來 冰可斷玉堪栽寒空無暖埃爲君翻動臘前  
醅酒醒香滿懷

前調

餘干  
留別

趙彥端

三年何許競芳辰君家千樹春如今欲去復逡巡好花  
留住人 紅蕊亂綠陰勻綵雲新又新只因小闋記情  
親動君梁上塵

前調

西湖

馬莊父

清明寒食不多時香紅漸漸稀番騰妝閣鬧蘇堤留春  
春怎知 花褪雨絮沾泥凌波寸寸移三三兩兩叫船  
兒人歸春也歸

前調

王炎

落花時節近清明南園芳草青東風料峭雨難晴那堪  
中宿醒 回首處自銷凝誰知太瘦生倚闌無語不禁  
情杜鵑啼數聲



前調

拍堤春水蘸垂楊  
水流花片香  
弄花嚙柳小鴛鴦  
一雙隨一雙  
簾半捲  
露新妝  
春衫是柳黃  
倚闌看處背斜陽  
風流暗斷腸

嚴仁

前調

綠楊庭戶靜  
沈沈楊花吹滿襟  
晚來閒向水邊尋  
驚飛雙浴禽  
分別後  
重登臨  
暮寒天氣陰  
妾心移得在君心  
方知人恨深

徐照

前調

龍香吹袖向藤鞭  
帽簷衝柳煙  
一春幾度畫橋邊  
東風聽管絃  
花活計  
酒因緣  
從人朝少年  
真須吟就綠楊

史達祖

篇灣頭寄小憐

前調

舊時明月舊時身  
舊時梅萼新  
舊時月底似梅人  
梅春人不春  
香入夢  
粉成塵  
情多多斷魂  
芙蓉孔雀夜溫溫  
愁痕即淚痕

史達祖

前調

日高樓外柳花明  
單衣怯露零  
小橋燈影落殘星  
寒煙蘸水萍  
歌袖窄  
舞鬟輕  
梨花夢滿城  
落紅啼鳥兩無情  
春愁添曉醒

翁孟寅

前調

邵武試燈夕

東風吹破藻池冰  
清光開五雲  
綠情紅意兩逢迎  
扶春

洪璚

來遠林 花豔豔玉英英羅衣金縷明鬧蛾兒簇小蜻  
蜓相呼看試燈

前調

方千里

良宵相對一燈青相思寫砑綾去時情淚滴紅冰西風  
吹涕零 愁宛轉意飛騰晴牕穿紙蠅夢知關塞不堪  
行憶君猶問程

前調

方千里

鴛鴦濃睡碧溪沙荷花深處家快風收電掣金蛇深波  
流素華 吳國豔楚宮娃紅潮連翠霞坐來忽忽燭光  
斜城頭聞亂鴉

前調

黃昇

粉香吹暝透單衣金泥雙鳳飛聞來花下立多時春風  
酒醒遲 桃葉曲柳枝詞芳心空自知湘皋月冷珮聲  
微鴈歸人不歸

前調

贈盧長笛

吳文英

沙河塘上舊遊嬉盧郎年少時一聲長笛月中吹和雲  
和鴈飛 驚物換歎星移相看兩鬢絲斷腸吳苑草萋  
萋倚樓人未歸

前調

芙蓉

吳文英

青春花柳不同時淒涼生較遲豔妝臨水最相宜風來  
吹繡漪 驚舊事問長眉月明仙夢回凭闌人但覺秋  
肥花愁人不知

前調

會飲豐樂樓

吳文英

翠陰濃合曉鶯堤春如日墜西畫圖新展遠山齊花深  
十二梯風絮晚醉魂迷隔城聞馬嘶落紅微沁繡鴛  
泥秋千教放低

前調

荷塘小隱賦燭影

吳文英

金丸一樹帶霜華銀臺搖豔霞燭陰樹影兩交加秋紗  
機上花飛醉筆駐吟車香浮小隱家明朝客夢付啼  
鴉歌闌月未斜

前調

元日

吳文英

五更櫪馬靜無聲鄰雞猶怕驚日華平曉弄春明暮寒  
愁翳生新歲夢去年情殘宵半酒醒春風無定落梅

輕斷鴻長短亭

前調

蔣捷

雪飛燈背鴈聲低寒生紅被池小屏風畔立多時間看  
番馬兒新搵淚舊題詩一般羅帶垂瓊簫夜夜挾愁  
吹梅花知不知

前調

題小扇

李演

雙鴛初放步雲輕香簾蒸午晴杏鎔暗淚結紅冰留春  
蝴蝶情寒薄薄日陰陰錦鳩花底鳴春懷一似草無  
憑東風吹又生

前調

有懷北遊

張炎

鈿車騎馬錦相連香塵逐管絃瞥然飛過水秋千清明

寒食天 花貼貼柳懸懸鶯房幾醉眠醉中不信有啼  
鶻江南二十年

前調

翁元龍

千絲風雨萬絲晴年年長短亭嫩黃看到綠成陰春由  
他送迎 鶯思重燕愁輕如人離別情遶湖煙冷罩波  
明畫船移玉笙

前調

趙君舉

馬蹄蹋月響空山梅生煙壑寒水仙去後淚痕乾天風  
吹珮蘭 紉香久怕花殘與君聊據鞍一枝欲寄北人  
看如今行路難

前調

王同祖

一簾疎雨細於塵春寒愁煞人桐花庭院近清明新煙  
浮舊城 尋蝶夢怯鶯聲柳絲如妾情丙丁帖子畫教  
成妝臺求晚晴

前調

宋媛  
魏氏

夕陽樓外落花飛晴空碧四垂去帆回首已天涯孤煙  
捲翠微 樓上客鬢成絲歸期未有期斷魂不忍下樓  
梯桐陰月影移

前調

詹正

斜河一道界相思好秋都上着鸞牋象管寫心啼搦愁  
題做詩 添別恨卜歡期燈花紅幾時看看月上小牕  
兒夜香今夜遲

前調

風中柳絮水中萍聚散兩無情斜陽路上短長亭今朝  
第幾程何限事可憐生能消幾度春別時言語總傷  
心何曾一字真

王從叔

前調

青山重疊水縈紆扁舟隔岸呼依稀綠暗輞川圖又疑  
陶令居紅樹晚白雲孤乾坤別一壺草堂瀟灑草牕  
虛箇中容我無

張棊

前調

曉寒楊柳綠如濡園林新雨餘紫苔成暈上階除日高  
庭院虛官况嬾世情疎斷腸芳歲徂暮雲不見北飛

劉基

魚路遙誰寄書

前調

劉基

寥寥庭館暮寒時四簷鳴雨垂博山沉水吐遊絲玉釭  
花燼微蟾影淺漏聲遲愁多成夢稀客行雖好不如  
歸有懷當語誰

前調

曉霧

吳子孝

一江寒霧碧籠沙冥迷十萬家沙頭風急颭蘆花城頭  
噪曙鴉簾乍捲鼓頻撾日光生海涯長空晴豁水天  
賒青山五色霞

前調

吳子孝

池塘風靜玉波閒鶯啼花又殘竹梢經雨葉團團翠光

流素闌 開繡幙對家山雲來濕鬢髮樹枝橫碧擁巒  
岢分明圖畫間

前調

題倦繡  
士女圖

吳寬

日高碧樹午陰圓繡床人未眠迴文錦字綵絲纏停鍼  
還悵然 飛絮底落花邊青春將暮大玉人一去不知  
還難將幽恨傳

前調

前題  
步韻

張大烈

花陰正午日光圓手慵神欲眠鴛鴦繡就翅難纏尋思  
獨惘然 桃障底柳絲邊豔陽惹恨天錦文寄去信無  
還全憑午夢傳

前調

春歸

張大烈

紅英亂點別風枝綠楊黃鳥飛鴛鴦戲水水漣漪倚樓  
日墜西 凝眼望憶郎歸遠山鎖黛眉江濱幾片暮帆  
移迷煙遶浦遲

前調

立夏

張大烈

綠陰鋪野換新光薰風初晝長小荷貼水點橫塘蝶衣  
曬粉忙 茶鼎熟酒卮揚醉來詩興狂燕雛似惜落花  
香雙銜歸畫梁

前調

湯顯祖

不經人事意相關牡丹亭夢殘斷腸春色在睂彎倩誰  
臨遠山 排恨疊怯衣單花枝紅淚彈蜀妝晴雨畫來  
難高唐雲影間

前調 題畫

陳子龍

朱闌清影下簾時  
泠泠修竹低滿園  
空翠拂人衣流鶯  
無限啼 蓮葉小  
荇花齊雨餘雙燕  
歸紅泉一帶過橋  
西香消午夢微

前調 又一

明媛 端淑卿

園林春到清明節  
花柳愁攀折人生  
何事輕離別水遠  
山重疊 杜宇啼  
殘更月銀缸照明  
滅莊周有夢驚飛  
蝶關心猶未說

畫堂春

又一體 雙調 四十七字

畫堂春

秦 觀

落紅鋪徑水平池  
弄晴小雨霏霏杏  
園憔悴杜鵑啼無  
奈春歸 柳外畫樓  
獨上凭闌手撚花  
枝放花無語對  
斜暉此恨誰知

前調

秦 觀

東風吹柳日初長  
雨餘芳草斜陽杏  
花零亂燕泥香睡  
損紅妝 寶篆煙銷  
龍鳳画屏雲鎖瀟  
湘夜寒微透薄  
羅裳無限思量

前調 梅

趙師俠

西真仙子宴瑤池  
素裳瓊豔冰肌瑞  
籠香霧撲銖衣鳳  
翥鸞飛 玉骨解凌  
風露鉛華不浣凝  
脂戍樓羌管正  
孤吹月淡煙低

前調

長新亭

小亭煙柳水溶溶  
野花白白紅紅惱人池上晚來風吹  
損春容 又是清明天氣當年小院相逢  
凭闌幽思幾千重殘杏香中

趙長卿

前調

賞海棠

夜來暖趁海棠時  
臉邊勻透胭脂亂紅嬌影困垂垂睡  
損楊妃 多少玉温香潤朱唇綠鬢相偎  
晚風何苦過臺西斷送春歸

趙長卿

前調

春日

空籠簾影隔垂楊  
夢回芳草池塘杏花枝上蝶雙雙  
春晝初長 強理雲鬟臨照暗彈粉淚沾裳  
自憐容豔惜

趙鼎

流光無限思量

前調

趙彥端

滿城風雨近重陽  
夾衫清潤生香好辭賡盡楚天長喚  
得花黃 客勝不知門陋酒新如趁春狂  
故人相見莫相忘一語千觴

前調

鄭域

東風吹雨破花悭  
客羶曉夢生寒有人斜倚小屏山蹙  
損眉彎 合是一釵雙燕却成兩鏡孤鸞  
暮雲修竹淚留殘翠袖凝斑

前調

思遠道人院賞花

吳子孝

春風寒入蹋青天  
芒屨碧草蒼煙秋千風颭彩旗翩芳



行通原在言會 卷六  
樹爭妍 禪榻遠離塵境幾人能醉花前歌聲鳥語兩  
清圓再進金船

前調

衡山在座  
年八十九

吳子孝

高年座上有仙翁文章豪氣如虹分明南極畫圖中笑  
語融融 賓客風流儒雅兒孫孝謹雍容桐陰滿院綠  
簾風檀板金鍾

前調

莫是龍

浹旬風雨臥江城不勝蕭瑟離情夢回羅箔報春生昨  
夜寒輕 金鼎細煎香雪玉甌新泛蘭英欲將幽事與  
誰評著意芳卿

前調

明媛  
陸卿子

晴空煙裊柳絲微亂紅風綻猶飛杏花零落燕空歸門  
外鴉啼 慵病不禁寬帶諱愁無那尖眉香消斜倚畫  
屏時此恨誰知

喜遷鶯

又一體雙調四十字或加八字一名燕歸梁梁  
或作來一名早梅芳近一名鷓鴣天一名春光好

喜遷鶯

南唐李煜

曉月墜宿煙微無語枕頻敲夢回芳草思依依天遠鴈  
聲稀 啼鶯散餘花亂寂寞畫堂深院片紅休掃儘從  
伊留待舞人歸

前調

和凝

曉月墜宿雲披銀燭錦屏帷建章鐘動玉繩低宮漏出

花遲 春態淺來雙燕紅日漸長一線嚴妝欲罷轉黃  
鷗飛上萬年枝

前調

晏幾道

蓮葉雨蓼花風秋恨幾枝紅遠煙收盡水溶溶飛鴈碧  
雲中 衷腸事魚箋字情緒年年相似凭高雙袖曉寒  
濃人在月橋東

前調

夏竦

霞散綺月垂鈎簾捲未央樓夜涼銀漢截天流宮闕鎖  
清秋 瑤臺樹金莖露鳳髓香盤煙霧三千珠翠擁宸  
遊水殿按涼州

前調又一體

薛昭蘊

殘蟾落曉鐘鳴羽化覺身輕乍無春睡有餘醒杏苑雪  
初晴 紫陌長襟袖冷不是人間風景迴看塵土是前  
生休羨谷中鶯

前調

薛昭蘊

金門曉玉京春駿馬驟輕塵樺煙深處白衫新認得化  
龍身 九陌喧千戶啓滿袖桂香風細杏園歡宴曲江  
濱自此占芳辰

前調

薛昭蘊

清明節雨晴天得意正當年馬驕泥軟錦連錢香袖半  
籠鞭 花色融人競賞盡是繡鞍朱鞅日斜無計更留  
連歸路草和煙

前調

鳩雨細燕風斜春悄謝孃家一重簾外即天涯何必暮  
雲遮 釧金寒釵玉冷薄醉欲成還醒一春梳洗不簪  
花孤負幾韶華

前調

又一體

人洶洶鼓鼙鼙襟袖五更風大羅天上月朦朧騎馬上  
虛空 香滿衣雲滿路鸞鳳遶身飛舞霓旌絳節一羣  
羣引見玉華君

前調

韋莊

街鼓動禁城開天上探人迴鳳銜金榜出門來平地一  
聲雷 鶯已遷龍已化一夜滿城車馬家家樓上簇神

仙爭看鶴冲天

前調

周邦彥

梅雨霽暑風和高柳亂蟬多小園臺榭遠池波魚戲動  
新荷 薄紗幮輕羽扇枕冷簟涼深院此時情緒此時  
天無事小神仙

前調

周邦彥

白角簟碧紗幮梅雨乍晴初謝家池畔正清虛香散嫩  
芙蓉 日流金風解愠一弄素琴歌韻慢搖紈扇訴花  
箋吟待晚凉天

前調

初夏

夏言

臨水閣倚風軒細雨熟梅天一池新水碧荷圓榴花紅

欲燃 薄羅裳輕紈扇睡起綠陰滿院曲闌斜轉正閒  
凭何處玉簫聲

前調

又一體

晏殊

風轉蕙露催蓮鶯語尚絲蠻堯曩隨月欲團圓真馭降  
荷蘭 褰油幕調清樂四海一家同樂千官心在御爐  
香聖壽祝天長

前調

晏殊

歌斂黛舞縈風遲日象筵中分行珠翠簇繁紅雲髻裊  
瓏璵 金爐煖龍香遠共祝堯齡萬萬曲終休解畫羅  
衣留伴綵雲飛

前調

又一體

馮延巳

宿鶯啼鄉夢斷春樹曉朦朧殘燈和燼閉朱櫳人語隔  
屏風 香已寒燈已絕忽憶去年離別石城花雨倚江  
樓波上木蘭舟

前調

馮延巳

霧濛濛風淅淅楊柳帶疎煙飄飄輕絮滿南園墻下草  
芊絲 燕初飛鶯已老拂面春風長好相逢攜酒且高  
歌人生得幾何

前調

晏殊

燭飄花香掩燼中夜酒初醒畫樓殘照兩三聲窗外月  
朧明 曉簾垂垂鷺鵲去好夢不知何處南園春色已歸  
來庭樹有寒梅

前調

晏殊

曙河低斜月淡簾外早涼天玉樓清唱倚朱絃餘韻入  
疎煙 臉霞輕眉翠重欲舞釵鈿搖動人人如意祝爐  
香萬壽百千長

前調

又一體

毛文錫

芳春景暖晴煙喬木見鶯遷傳枝偎葉語關關飛過綺  
叢間 錦翼鮮金毳軟百轉千嬌相喚碧紗牕曉怕聞  
聲驚破鴛鴦暖

前調

又一體  
殘夜

劉基

畫角斷篆香清斜月淡疎櫺露寒霜冷鵲頻驚歸夢不  
曾成 湖上數聲沙鳥河漢漸低木杪起看北斗待天

明雲白日華生

前調

吳子孝

堤柳碧曉川長簫鼓蕩春光畫船十丈勝蘭堂朱幕靜  
焚香 虎阜頻遊休厭攜客徐登紺殿雲邊好鳥喚斜  
陽遶座遠山蒼

前調

吳子孝

山欲暝暮生寒遊客盡知還高歌裊裊隔花壇猶自戀  
餘歡 惆悵真孃不見蔓草野花爭豔誰家臨水倚闌  
干笑我愛東山

前調

吳子孝

香雨霽夢雲殘攜醉上春山山花應笑客長閒花好恰

行選歷代詩餘  
卷十六  
春闌 山下溪流曲曲隨意草痕新綠清歌相勸酒須  
乾山色遶朱欄

御選歷代詩餘卷十六

春前山下溪流出  
龍山色遠未凋

行遊歷代詩餘卷十六

